



Serdang Angels Raih Naib Johan Ragbi 10's

SERDANG - Pasukan Serdang Angels berjaya meraih naib johan Kejohanan Ragbi 10's Terbuka Universiti Putra Malaysia (UPM) ke-2 setelah tewas kepada pasukan ATM JLJ 'A' 0-12 dalam akhir Piala CUP pada kejohanan dari 9 – 10 Oktober lalu.



Naib Johan Kategori Cup Terbuka - Pasukan Serdang Angels

Hadiah disampaikan oleh Pengarah Pusat Sukan UPM, Hamzah Ismail berupa wang tunai RM800 bagi juara dan naib johan RM600.

Bagi perlawanan akhir kategori lain, Kajang Rugby Club muncul johan piala Plate dengan menewaskan Universiti Malaysia Terengganu, X-SAAS menewaskan Politeknik Ungku Omar bagi akhir Piala Bowl dan Piala Shield dimenangi oleh Uniten setelah menewaskan IPB Hippo.



Aksi perlawanan antara Serdang Angels dengan KL Gunners

Kolej MARA Banting menjuarai johan Piala CUP bawah 19 tahun dengan menewaskan Politeknik Shah Alam sementara Maktab Sultan Abu Bakar menewaskan Politeknik PD Junior bagi Piala Plate bawah 19 tahun.



Aksi perlawanan antara Serdang Angels dengan ATM JLJ 'A'

Sementara itu, Kejohanan Sepak Takraw Terbuka UPM Ke-4 pada tarikh yang sama menyaksikan Petronas Batu Gajah 'B' muncul johan dengan merebut wang tunai RM1,000 dan piala apabila menewaskan Petronas Batu Gajah 'A' yang mendapat hadiah wang tunai RM700. Tempat ketiga dimenangi oleh Bukit Putra C setelah menewaskan Dell Kiosk B.

Kedua-dua kejohanan anjuran Pusat Sukan UPM itu terbuka kepada semua kelab dalam negara.

Berikut adalah keputusan kejohanan sepak takraw :-

Johan : Petronas Batu Gajah 'B'

Naib Johan : Petronas Batu Gajah 'A'

Ke-3 & Ke-4 : Bukit Putra 'C' & Dell Kiosk 'B'

Ke-5 – Ke-7 : PKNS 'A' , MISC , Petronas Batu Gajah 'E'

Disediakan oleh Seksyen Media Bahagian Komunikasi Korporat UPM (Khairul Anuar Muhamad Noh) 013-3957650. Maklumat lanjut hubungi Ketua Unit Hal Ehwal Atlit Zainal Mukri 019-3892939.